

ԻՆՍՏԻՏՈՒՏԻ ԿՈՂՄԻՑ

Ազգագրական-բանահյուսական նյութերը ժողովրդական մշակույթի գանձեր են, կարևոր սկզբնաղբյուրներ ժողովրդի ներքին կյանքի, տնտեսական զբաղմունքների, հասարակական հարաբերությունների, սովորույթների, աշխարհայացքի ու պատկերացումների հետազոտման համար: Այդ նյութերը միաժամանակ ունենալով պատմա-հանաչողական և գեղարվեստական արժանիքներ, օգտակար և ուշագրավ են ոչ միայն մասնագետների, այլև ընթերցող հասարակայնության լայն շրջանների համար:

Վերջին տասնամյակների ընթացքում խմբաւրշավների ու անհատ բանավեճների միջոցով հավաքվել են արժեքավոր շատ նյութեր պատմական Հայաստանի զանազան գավառների վերաբերյալ: Հատկապես կարևոր են Արևմտյան Հայաստանին վերաբերող նյութերը, որոնց կրողներից հատուկ ենտ ներկայացուցիչներ են մնացել միայն: Խորհրդային Հայաստանում և Միության հայաբնակ վայրերում էլ նոր կյանքի հաղթարշավի շնորհիվ արագորեն անհետանում են պատմա-մշակութային բացառիկ հետաքրքրություններ կայացնող շատ նյութեր, որոնց կորստից փրկելը և դիտական շրջանառության մեջ դնելը առաջնահերթ խնդիր է դարձել:

Նկենելով այս ամենից, հնագիտության և ազգագրության ինստիտուտի գիտական խորհուրդը նպատակահարմար գտավ սկսելու դրանց հրատարակությունը: Այդ ուղղությամբ առաջին փորձն արվեց 1965-ին, Խ. Փորֆյանի «Նոր Նախիջևանի հայ ժողովրդական բանահյուսությունը» աշխատանքի լույս ընծայմամբ: Այս գրքի արտակարգ լավ ընդունելությունը ընթերցողների կողմից և շուտափույթ սպառումն ու հավելյալ պահանջարկը հանգեցրին մատենաշարի ծավալի ընդարձակման մտքին և, նյութերից բացի, համապատասխան բնույթի փոփոխված հետազոտություններ ևս ընդգրկելուն: Այսպիսով, վերջնական տեսք ստացավ սույն մատենաշարը, որը հրատարակվելու է «Հայ ազգագրություն և բանահյուսություն (նյութեր և ուսումնասիրություններ)» վերտառությամբ: Սրանով, երկար ընդհատումից հետո, նոր ձևով ինքնին վերականգնված կլինեն հանրահայտ «Ազգագրական հանդեսի» ավանդույթները, որը ֆսան տարի պարբերաբար (1896—1916 թթ.) լույս է տեսել, խոշոր ծառայություն մատուցելով հայ մշակույթի հետազոտության գործին:

Մատենաշարի սույն՝ առաջին գրքում զետեղված են հանգուցյալ ազգագրագետ, պատմական գիտությունների թեկնածու Վարդան Ս. Թեմուրհյանի «Գամիրի հայերը» պատմա-ազգագրական բնույթի աշխատությունը և ա-

մերիկահայ բանասեր Խ. Տեր-Մկրտչյանի «Վանեցոնց հարսանիքը» կենցաղագրական պատկերները: Երբ Վ. Թեմուրճյանի աշխատությունը Արևմտյան Հայաստանի Գամիւր գավառի հայերի ազգագրության ամփոփ շարադրանք է՝ կենցաղին ու սովորություններին վերաբերող համակողմանի նյութերի լրացումը, ապա Խ. Տեր-Մկրտչյանը ներկայացնում է միայն վանեցիների հարսանեկան սովորույթները, զրկած տեղի բարբառով, որով շարադրանքն ստանում է աշխույժ ու կենդանի բնույթ:

ՀԱՄԳԻՏՈՒԹՅԱՆ ԵՎ ԱԶԳԱԳՐՈՒԹՅԱՆ
ԻՆՍՏԻՏՈՒՏ